

em vnaſke ſaſen pohvtes. Momet, vhauke hvwec-hoyen, eſte perro aosſet aret ohmvten hecvtes, momen ete'm punayat, "Eſte mvnette hvnket elehocv-ranen liket, ce hecetvn eyacet on, arit omis," kicvtes. "Mvn hecvkon omat, ve aſackuſet cv 'leko tetayes," maket okes, kicvtes.

Hofunusekon erkenkv perro-cuko vk likan 'ro-rvtes, mont heyv eſte mvnettat vhecihocen liken hecet omis, kerrekot, "Vn heſſe toyetskat, cen cv merrus, momis ce kerrvye ſekokv, eſtomen vn huehket oketskat kerretvn cv yaces," kicvtes.

"Potſe tvlofvn erkenkvye tvnkekv, momof cv hecetskv haks?" "Monks, erkenaketske pohvyvte ſekos." "Monkv, cv kerretske ſeko haks"? kicvtes. "Ce kerrvks, erkenvka," makvtes. "Hofunof cepvnyke hokkolet ſumhoket welaken eſhecet, Fulhokepvks ceckylke kakan kicet, fulhuecetv komet, em vcahnetske ocekat haks"? kicvtes. "Mucv kerris" kicvtes. "Monkv, heyv cen huehkvyat, eſpoken ce te'm punayit, nake 'ſvn hervren ve ohtoketske cem apohievko ocvte vtekat, nake vne 'ſvn hervren ve ohtoketske, cem apohievko ocvte vtekat, nake vne 'ſvn hervren oketskvten mucv kerrit, cen kerkueh-cet, cen kvpvketvn komit, cen huehket okis," makvtes. "Nake v'mvhayetskvna cem apohievvte! Momis hiyomat vkerreit eſtohmvos. Oketv hoyv-neps. Vn naorketvt mucv eſ cv heces. Heſake-tvmeſet ve ohvceecet os. Momen, Cv lute ve vevk vyvs cv kicetsket omis, cem apohievkot, momen cv hocvkv tis etvn haſyit ayvyvntat, hiyomat eſte vm merrvre ſekon, eſte cv kerre ſekon, cv'lvrant os," makvtes. Momuſen erkenkv Kefen, e feke eſ nok-

kieuset, vpaket em emekusapvtes, momet em veahnvtes.

Momen momusen oh vkhottephohyen, erkenkv kvpetvnen te'm punayvtes, "Heyv este mvnette estemerkat estomet hesakeko taye haks"? kievtes. "Estont hesakeko tetayuset os, mekkvke vhakv hayat, Estimvt heyv naorketv momecen omat, elvres, maketvt omepe tvnken, mv mahusan e oh wikepet omepekv, estohmet hesake tayat kerrēskot os," makvtes. "Momekv hiyomat nakcokv en nene hecet vpaket omes, elecvranevat," makvtes.

Erkenkv, Momis Lvntvn tvlofvn vhyit mekkvlke er vhuirit ete'm punavyit, hecares, komet ayvtes. Monkv mekkvlke hvnke ehomvn er oret en kerkuecvtes. "Mv este mvnettāt en nakvlke tis em onayat estomet hesake tayen omat kerretvn komit arit omis," makvtes. Momis mekko opunkv em ayoposket, "Elvrannen nakcokv ayeciceye hoyvnepekv, estome tayat kerrepvks ce, momis nvkvftvranekv, nake kerkuecetskat kerkuecin, mekko-rakkat pohvres, momen hesayece tayen omat, pohetskvres," kievtes.

Momen erkenkv 'rvtepēt 'rvlakan mv nettvn mv este elehocvrannen pohvtes. Momekv lvpkusen mekko em punkv vlvkekon omat, hesayecen ome estomis, elvranat tvlkusvtes, oketvt vlvkepekv.

Momet erkenkv perro oh ayet 'roran, este veulet, efeke en nokkusen, hvkihket, perro'en kvpaket ayen hecvtes. Momat mv este cepanat erket ohmvten kerrvtes, espoke eppuce ete'm punayet vseket en kvpaket omvtes. Hesaketvmese em penkvkvvt mvnettuse tvwv evpye mekusvpkv-cuko 'soh aye

'sarvnnat aret omvtes. Momen en sumikof tis, 'sv-rahkv em emekusapvtes, "Hesaketymese, Estvmvn cvppuce are haks"? maket, momet hiyomat eshecet omes, sylvcomv teheceko tayet te'n kvpvkvrant tehecvtes. Momusen perro wiket omvtes.

Momis erkenvkv perro 'receyan, elecvrant metetakuehocen 'rorvtes, momusen este mvnettatt yvmv ekvnn en kvpahket, Hesaketymese ehomv er huervrant vwolicusvtes. Momis hiyome mvketekof hesakvre mekko em punkv pohiken, hesakvtes, momet nettv sulken erkvke er vpvkepvtes.

Heyv este mvnettatt erkenvkv ete'm punayan em apohicet, e cusen vevk fulkvten omat, efeknocketv momvtekat eckvlke oh cvkkuecekvnt os, momet emen nake holwvke momat e oh cvkkuecekvnt os.

Este mvnettvlke nake kihocat apohicekot, nak' herekis e en cakkuecet omēs.

HOKTUCE ENOKKAT.

Mv hoktuce hecetska? Henka, hecis. Enokket ot en topvn oh wakket omes. Ecket em vtvkhvken likes. Momis e'mvniceko tetayus. Cemehkvnn, mv hoktuce em vnicetske tetaya? Hekos, estimvt e'mvniceko taves. Hesaketymese talkuset momece taves.

Cemet ce nokken, vneu cv nokken, omvlkeyatet pu nokhoket, hofunekon pu pvsvtke tetayet omes.

Momof pun hesse pucke 'sen yekcat pu yacvres, elkv eteropotteyof, epu 'pakvren Pun hesse mvn momece tayat oce te? Henka, oces. Momis fucevnn hopoyēkon omat, eshehcēkos.



HORKOPKV.

“HORKOHPETSKVS,”—vhakv escenvpakat. “Mv horkopvte huerat swnvcomv horkohpats.” Horkopetv naorketv rakke mahet os. Horkopv, Hesaketvmeseme vhakvn, momet este em vhakvn kacet os.

Nake est'enake tokon, est'em esvkatet horkopkvts, momet ehel lievkat kvhakuce en rakke omusis esvkatet horkopkvts, momet corakko en rakke omvtekis, momet cvtokunawv rakken licephoyis, e pucase kerrekof cawvkatet horkopkvts.

Momen este horkopv en yekcen 'sest' ohfvnkvn-tot, nake sestvpenkvlecat sases. Mvu horkopkvts. Momen hvtvm horkopv este elecvtot, nake en cawet os. Mvu horkopkvts.

Momen hvtvm estome Hesaketvmese em vhakv en kvceye tayat ocet os. Naket punake tokot sum-

ket liken eshecet, ehset, e pucasen yoh fulecicekot, ehēn omat horkopvlke toyēs.

Este sulket omes, cokv tis esvhkopanet, monkat corakko tis 'temvrecet, cvtokunawv ete'n horkopak-
ket os. Monkat nake enake tokat tis cvnakets ma-
ket, tayen laksaket os, momen est'emvkerret, nake
esaken omat, horkopaket os.

Momen hvtvm este nake wiyet en rahkvn rakke
mahen, momvteke oreko estomis, wiyaket es est'em
vlakset, horkopvlke haket os.

Momen hvtvm este nake est'em vcayeevranen
en wihokof vcayecekot, este'n yvmahkuecet vfvste-
kon omat, este'n horkope etetayuset os. Momen
este enhorre, es e mvnicekat naorket os. Oketv
mome yvmahkuecety tokot os. Oketv vcaiket os;
monkv estefvecv huerepet oketv fvcevn yvmahkue-
cekon omat, afackuset os. Momet Hesaketvmesen
afveecicet os.

“Mv horkopvte huerat svnvcomvn horkohpats,
momis vtotkekvs, momet nake heran enken 'svtotke-
kvs, este nake enkusvpan emety em etetayvret.”
Ef. 4:28.

Horkopkv vtekat Hesaketvmese en homecet os.
Horkopvlke momen laksvlkeu em vkerrickvn eticet
Hesaketvmese oh fulecekon omat, omvlkvt estemer-
kvkvrant os.

“Momof mome tares, naoriket omvtet ok, nake
sestypenkvlcet, monkat este mvkerre nake heckue-
cat, monkat nake este'm vcayeevrane em wihokvte,
monkat mv nake sumke eshecet est' oh fulecievres.”
Lef. 6:4.



YUPO-YVPE.

NAKE hecety mvtawvt holwaket heyvn hueres. Yupo-yvpet omes. En rakke tat yupo-lowake en rakke en nvrkvyv oret omes, momis e yupo cvpke vtvrekot omet, cukhvrponvpyt cvpket omes, momet yupo-lowake enute-fvske ocat onkot, yupo onvpyv yvpen ocet omes. Hvmkuisis, hvtvm hokkolis ocvkēt omes, heyvt oce hecatskat omet. E hvcko lypotlvket oh cvkevhet omes, momet ele-wesakv tuteenet omes. E hvrpe tvlvswē, cekfet omet, tokfelv mvketeke, momet setekelket omes. Re esto-met e hvrpe eteropotteko tayet omes.

Yupo-yvpe Wahlv ekvny lekutlēhan fullet omēs, momet nake lane ekvny hontan hompes, pvhe tis, momet etolvtee tis, momet em fulletv sukhv omet omes.

Cvpakken omat, holwvyecvketv mahet omes, ekvny tis e yvpen es copenet, letket kololuecet arēs.

Fayvlket, elecetvn komen omat, e turwvn 'sen hēcuset echet omes, mvy en rahvkat tvlkuset ele-cvke tayet omekv.

Cvppkktv en heretvt omet, cvpvkke omet, sen-
honeckvket omes. Este-fayv mahhe hvvket opu-
nayat, "Yupo-yvpe cvpvkke etenrvpvko munket,
este-papv pale cahkepis mimvñ etenrvpvye tayes,"
makvtes. Momis vntat nake ponvttv honecakat es-
tomis vvolicetv cv yacekot omis, momet ekvñv nake
momvke seko likepvvat mit vn heret ve afvcket omes.



CVPOFUCE.

ESTE em vkerrickv cvpofuce omet os, momekv
vhericet vfvstetvt os. Cvpofucehkvñv nake enerkv
heren vhochoyekon omat, nake em ette herakat,

pvkpvke herakusat tis mv ofv sekot omes. Momekv cepvuvke, hoklusvke esyome cokv-heckv vpeyen omat, emvhayvlke emvhayat enerkv herau em vkerriekvn em oh vhoet os. Momen vkerrickv holwahokat, momen opunvkv holwahokat, este holwahokatet vtvkrv honte oh svkwecat tes. Heyv vtvkrv vhochoyekis hontet omes, momet estomehocekon omat, pvnfet mahet, nake vhoekv herakan ohfvnket, vhopanes.

Momekv herakatet cem mvhmayvkvren ce yavket on omat, nake herakaten hericet vketecet, vkerrickv holwahokan lemet vpvltvkes, nak' vhoekucen en lemvkvnto etvpomen.

Hesaketvmese em enhonrvk heyv etehoyvnen momecetvn komatsket on omat, ce hoporrenvke tat ece 'fackusvkvres.

HEKOS MAKETVN KERRVS.

HEKOS maketv opunvkv cōtkuset omet omis, vrakkuecvkvre tayes. Momekv este Hekos maketvn 'semunk hayet on omat, estemerkv tis efeknokketv tis, monkat nake en yvmahke tayate tis em momekon hueret omes.

Momekv este nake naorketv tis est'oh yekcice wites, monkat vtotkepvraneyvte tis, oketv yvmahkusat welvkvkets este pu kice wites; momof Hekos kievraneyet os. Momekv este pum etohkviketvt cokv-heckv ofv tis, monkat mekusvkv ofv tis Wv-waket, vvkopvvnkets pu kicen omat, Hekos kievraneyet os. Momet opunvkv holwahoke tis es opun-

ahoyeyvren este pu komet o estomis, Hesaketvmeset pum opunkv omvlkv pohet omat kerrēt, Hekos makvraneyet os.

Este pum etohkvlketv puckvlke tis, monkat pu mvhayvlke tis em apohicēkot, monkat pum etvlwv em vlvkv tis kvceyvren, estet pu komet o estomis, pu fekhvmkuset Hekos makvraneyet os.

Nettveakon kvceyvren ep ohyekcihoce estomis, Hekos makvraneyet os.

Nake tis naoriket are witēn, lvkiset ohrvnvs pu kihocce estomis, "Hekos, estofis fīcevn oponayvyet omvres" makeyan heres. Nake cōtkuset, rakkēt o estomis punake tokon eseyvren pu komet ep ohyekcihoce estomis, Hesaketvmeset pu hece munkvt omat kerrēt, "Hekos, este horkvpy toyvkares" makvraneyet os.

Uehomen, momet nake este hacece tayen eskeyvren pu komhoyet omen omat, Hekos makvraneyet os. Momet opvkv tis, pukkechetv tis, posketv tis, corakko setemvrkv tis, cokv-vhkopvkv tis, monkat uehome esketv sasat tis vpeyeyvren pu komhoye estomis, Hekos makvraneyet os.

Estofis este vpvltake nake holwake vfvsteyvren pu komet omes, momet ep ohyekcice wites. Momet o estomis, pu fekhvmkuset Hekos kicet em vvvposkvranevet os.

Nake holwvke vtekan Hekos maketvn kerreyet on omat, efeknokketv tis nake empenkvlke sulken en kvpvket svpvkleyēs.

HVLWE-TVLOFV.

Vn hesse, ce 'tem punvyvranis. Cv feke vhetke tetaye cem puyvekev cem vnokeevyat, momet hesakepat ce komvyat ohfvevt nak' vpohkvn cem 'pohvranis. Cen naorketv cen kvpaket o haks? Cesvs pu Hesayeev ofvn hueretsket o haks? Svnvcomv heketsket o haks? Ypefikuce e catvn 'sec okkosket o haks? Heyvn ce monkot omen omat, nak' eti estometske estomis, momet nake estomen ocetske estomis, estohmet estofvn hvlwe-tvlofv er ohretskekos.

Pu Hesayeev vnokēcusat hvmmaket omes; "Este svnvcovn heket omekon omat, Hesaketvmese 'metvlofv hehekos." Em atevke ypefikuce e catvn 'sokkosket hathakuse hakat Hesaketvmese em ohliketv ehomv 'rorievres.

Ekvnv hvmmket on omat, liketv hokkolet omes, hvlwe-tvlofv, Este-nekriev hutē tepakuset omes. Heyv hvmmkvtēkan emeyuksv-sekon likvranetskes. Estomahes! Heyvn vkerrievs, estvmi tar haks? Hvlwe-tvlofv etektvnkuset os. Hesaketvmese Epucet fekvttet os, cevvranskat. Hesaketvmese em Puyvekev Hvsatkusat, estofis ce Hesayeevn oh vtepet em etetakepvs ce kice munkvt os.

Hesaketvmese em estvlke, momen puyvekev vñackakusat Hvlwe-tvlofvn ayepetskvren eyacakuset os. Este herake hvsvthvke yvmv ekvnv sasat vtekat cem vpyecet os. Hvlwe tvlofv em vhauke ceme tat ē emvkhōtiye witetskēs.

Nak' estometskar haks? Nake hvmmkuset hvlwe-tvlofv cevetv ce mvnvtece tayet os, kvsvmkv ce